



Radunonza generala 2025

Sonda, ils 22 da mars 2025

Ustria Valtgeva, Sedrun

Tractanda 1: Beinvegni

La presidenta Nicole Solèr fa a tuttas presentas in cordial beinvegni.
Schau perstgisar han xxx.

L'invitaziun alla radunonza generala e la gliesta da tractandas ha la suprastanza farmess tier per posta.

La presidenta lai circular la gliesta da presenza e la gliesta da gidontras. Plinavon circulescha ina gliesta da gidontras per il giubileum dalla Musica Sedrun dils 24 da matg 2025.

Tractanda 2: Elecziun d'ina dumbravuschs

La presidenta Nicole propona la Ursula Deplazes e l'Annamaria Monn sco dumbravuschs. Ellas vegnan elegidas cun in applaus.

Tractanda 3: Approbaziun dil protocol

Il protocol dalla davosa radunonza generala eis staus publicaus sin la pagina d'internet. Persunas che han buca access agl internet, han giu la pusseivladad da prender investa en quel sin banca tier la cassiera Jeannette.

La presidenta damonda, sch'enzatgi hagi damondas ni giavischs per midadas, quei ch'ei buca il cass. La presidenta supplichescha d'approbar il protocol cun tener si il maun. Il potocol vegn approbaus unanimamein.

Tractanda 4: Rapport annual dalla presidenta

La presidenta Nicole prelegia siu rapport annunal. Ins sa prender investa en quel silla pagina d'internet dall'unjund. Ultra da quei eis el allegaus a quei protocol ni ch'ins sa preder investa tier la Jeannette sin la banca Raiffeisen.

Tractanda 5: rendaquen dalla cassiera e rapport dallas revisuras

La survesta dil quen annunal vegn presentada dalla cassiera Jeannette.
Il quen siara cun in gudogn da rodund 1'500 francs.

Entradas impurtontas ein stadas las contribuziuns annualas, la contribuziun dalla vischnaunca Tujetsch, las candeilas da Pastgas, l'oraziun mundiala, ils cuors da lungatg e la fiasta dil vitg a Rueras. Quellas occurrenzas han purtau a nus in gudogn da rodund 8'400 francs.

Extradas pli grondas ein stadas la tscheina dalla radunonza generala, la contribuziun all'uniun da dunnas cantunala, il padrinadi da World Vision Svizra, il di dallas dunnas (apéro), e regals per natalezi e naschientschas. Quei munta rodund 6'900 francs expensas.

Cunquei che negin ha damondas pertuccont il quen, surdat la cassiera il plaid alla revisura Irena Monn che han controllau il quen ensemen cun la Nicole Degonda. Tut ils mussaments ein avon maun ed il quen ei vegnius menaus fetg bein. L'Irena supplichescha la radunonza generala d'approbar il quen e da dar scarica alla suprastonza ed engrazia alla cassiera per sia grondiusa lavur.

Il quen vegn approbaus unanimamein.

Tractanda 6: Fixar la contribuziun annuala

La suprastonza fa la proposta da schiar la contribuziun annuala sin 25 francs ad onn. La radunonza generala va d'accord cun quella proposta.

Tractanda 7: Elecziuns e reelecziuns

La Nicole Solèr ei dapi otg onns presidenta dall'uniun da dunnas Tujetsch. Tenor statutas ei il cuoz d'engaschi per in post en suprastonza limitaus sin otg onns. La Nicole damonda la radunonza generala da prolungir siu uffeci.

L'actuara Nicolina Cathomen fa la proposta da prolungir il temps d'uffeci e recamonda dad eleger la Nicole Solèr per dus ulteriurs onns sco presidenta per l'uniun da dunnas Tujetsch. Nicole Solèr vegn elegida cun in ferm applaus.

La cassiera Jeannette Derungs ei gia dapi diesch onns en uffeci ed era cheu ei la radunonza generala unanimamein dil meini da prolungir il temps d'uffeci per dus ulteriurs onns. La presidenta Nicole propona dad eleger la Jeannette Derungs per ils dus proxims onns sco cassiera. Jeannette vegn elegida cun ins ferm applaus.

Plinavon stat la Petra Schmid en elecziun sco assessura. Nicole recamonda dad eleger Petra Schmid sco assessura per dus ulteriurs onns. Petra Schmid vegn elegida cun in ferm applaus.

Sco finiziun vein nus dad eleger Irena Monn sco revisura da quen. Era Irena Monn vegn elegida unanimamein cun in ferm applaus.

In gronda engraziament a tuttas dunnas che stattan vinavon a disposiziun en favur dall'uniun da dunnas Tujetsch.

Tractanda 8: Program da lavur

Ils suentermiezdis da dar troccas vegnan menai atras vinavon meinsilmein cun ina pausa d'uront la stad. Ils termins san ins anflar sin la pagina d'internet.

Vinavon surpren l'uniun adina puspei l'organisaziun da cuors da lungatg, sco ils cuors da tudestg, d'engles e da romontsch.

Entochen la stad organischescha l'uniun aunc in'occurrenza da far lieurs da Pastgas per affons da scola ed ornescha e venda las candeilas da Pastgas.

Ils 24 da matg 2025 separticipescha l'uniun da dunnas cun in stad da dabeiber a caschun dil giublieum dalla Musica Sedrun.

La fiera da Nadal ha uonn puspei liug a Sedrun ed avon Nadal porscha l'uniun puspei in suentermiezdi per affons da scola per zambergiar regals da Nadal. Grazia all'Ursulina Cavegn per sorprendere il suentermiezdi da zambergiar regals.

Enteifer igl onn 2025 havein nus gia fatg las suandontas caussas, numnadamein l'oraziun mundiala, cuors da troccas cun la IG Tujetsch, di dallas dunnas, la spassegiada da glina plena, cuors da lungatg e treis gadas troccas, il viadi a Lucerna.

Duront igl atun vegn aunc organisau in cuors da far paun a Rueras en hetta cun Barla Cavegn.

Tractanda 9: Varia

La presidenta Nicole pren il plaid ed informescha la radunonza generala ch'ella stetti aunc per ils proxims dus onns en uffeci dall'uniun da dunnas Tujetsch. Suenter quels dus onns vegn ella a remetter siu uffeci sco presidenta. Ei ha pia num semetter alla tscherca dad ina nova presidenta, forse dess ei era ina pussievladad da luvrar duront in onn ensemen per emprender d'enconuscher il menaschi dall'uniun. Ei dat era la pusseivladad da visitar cuors per menar in'uniun da dunnas tier il "Frauenbund". En scadin cass engraziell fetg gia uss per tut Nicole!

Uonn ha la radunonza generala dall'Uniun cantunala da dunnas liug a Laax e quei mardis, ils 8 d'avrel 2025 allas 13.30. Dalla suprastronza sa negin far part da quei di. Sch'enzatgi ha temps ed interess astga ella bugen s'annunziar tier la presidenta Nicole.

Il proxim onn vein nus giu l'idea ch'ins savess far part dil til da tscheiver, füss bi sche ina ni l'autra semetess ensemen tier in gruppa.

La Sonja Decurtins meina ils suentermiezdis da troccas aunc entochen la fin digl onn 2025. Per ilg onn 2026 encurin nus enzatgi che meina quels suentermiezdis. Igl ei naturalmein era pusseivel da far quei en duas. Tier interess bugen s'annunziar tier nus.

Igl onn 2026 festivescha l'uniun da dunnas Tujetsch il giublieum da 60 onns, nus informein vus pli tard en caussa.

La Ursula Deplazes e la Margrith Cavegn retscheivan in schenghetg per l'organisaziun dall'oraziun mundiala.

Rueras, ils 31 da mars 2023

Nicolina Cathomen, actua